



ՎՃԱՐՄԱՆ ԿԱՐԳԱԴՐՈՒԹՅՈՒՆ

15 օգոստոսի 2011թ.

ք. Երևան

Հայաստանի Հանրապետության վարչական դատարանի դատավոր Կ. Բաղդասարյանը, ծանոթանալով Հայաստանի Հանրապետության կառավարությանն առընթեր պետական նկամությունների կոմիտեի Ապարանի տարածքային հարկային տնօրինության հայցադիմումին ընդդեմ «Ալվարդ-Քրիստին» ՍՊԸ-ի՝ 120.000 դրամ վճարելու մասին վճարման կարգադրություն արձակելու պահանջի մասին,

Պ Ա Ր Զ Ե Ց

Հայցվորը դատարանին հայտնել է, որ ՀՀ Աշխատանքային օրենսգրքի 14, 84, 84.1, 85-րդ հոդվածների և Պարտադիր սոցիալական ապահովության վճարների մասին ՀՀ օրենքի 6-րդ հոդվածի 6-րդ կետի համաձայն՝ հոդվածների համաձայն 20.06.2011թ. թիվ 2104475 ստուգման ակտով պատասխանողը ենթարկվել է 120.000 դրամ տուգանքի:

Խնդրել է նշված գումարը պատասխանողի կողմից ՀՀ պետական բյուջե վճարելու համար արձակել վճարման կարգադրություն:

Ուսումնասիրելով ներկայացված դիմումը և կից փաստաթղթերը՝ դատարանը գտնում է, որ ներկայացված դիմումը վերաբերում է կողմերի միջև օրենքով սահմանված դրամական որոշակի պահանջի:

Ղեկավարվելով ՀՀ վարչական դատավարության օրենսգրքի 158-րդ հոդվածի պահանջներով և ըստ էության չստուգելով պահանջի հիմքում ընկած վարչական ակտի օրինականությունը, Հայաստանի Հանրապետության վարչական դատարանը՝

Կ Ա Ր Գ Ա Դ Ր ՈՒ Մ Է

«Ալվարդ-Քրիստին» ՍՊԸ-ին /տնօրեն Քրիստին Ավագյան/ սույն կարգադրությունը ստանալուց հետո նրկու շաբաթվա ընթացքում կատարել հետևյալ գործողություններից որևէ մեկը՝

1. կատարել 120.000 դրամ վճարելու պահանջը, եթե պահանջը հիմնավորված է,
2. դատարանին առձեռն կամ փոստով՝ ստացման մասին հետադարձ ծանուցմամբ (տեղեկացմամբ) ներկայացնել հակընդդեմ հայց՝ վարչական ակտը վերացնելու կամ փոփոխելու վերաբերյալ, եթե վարչական ակտը համարում եք ապօրինի:

Դուք իրավունք ունեք վճարման կարգադրության ստացման մասին հետադարձ ծանուցումն դատարան ստացվելու օրվանից կամ սահմանված կարգով պատշաճ ծանուցումից հետո՝ 2 /երկու/ շաբաթվա ընթացքում ներկայացնելու հակընդդեմ հայց: Հակընդդեմ հայց ներկայացնելու դեպքում վեճը քննվելու է հայցային վարույթով, որի դեպքում պարտվող կողմը, սույն օրենսգրքին համապատասխան, կրելու է դատական ծախսերը:

Սույն կարգադրությունը ստանալուց հետո սահմանված երկշաբաթյա ժամկետում հակընդդեմ հայց չներկայացնելու դեպքում, սույն վճարման կարգադրությունը ստանում է օրինական ուժի մեջ մտած՝ գործն ըստ էության լուծող դատական ակտի ուժ և ենթակա է հարկադիր կատարման:

ԴԱՏԱՎՈՐ



Կ.ԲԱՂԴԱՍԱՐՅԱՆ